

Akileraarutitigut ilanngaatisat il.il.

Ataani naatsumik allaaserineqarput ilanngaait ataasiakkaat kommuninullu ataatsimut akilerararut, taakku siunertaat malunniutaallu kiisalu ukiuni siuliini angissusilerneqartarnerat.

1. Inummut ilanngaait - § 67, imm. 1.

Inummut ilanngaait naatsorsuinermit ilanngaataavoq siunertaraalu inummut ilanngaaitip saniaitigut aningaasarsiat (aningaasarsiat akileraaruteqaataasussat) kisimik akileraaruteqartinneqarnissaat.

Ukiuni 1975-imiit 1986-imut inummut ilanngaait 20.000 koruuninut, 1987-imiit (akileraartarnerup aaqqissuuteqqinneqarnera) 1991-imut 35.000 koruuninut, 1992-imiit (akileraarutit iluarsartuunneranni) 2004-imut 40.000 koruuninut aammalu 2005-imiit (akileraartarnerup aaqqissuuteqqinneqarnera) 2016-imut 48.000 koruuninut angissusilerneqartarsimavoq.

2. Ilanngaait aalajangersimasooq - § 21, imm. 2.

Ilanngaait aalajangersimasooq akileraarusiinermit ilanngaataavoq taannalu "ilanngaativinnut" ilanngaammit aalajangersimasumit annerunngitsunut taartaalluni ilanngaataavoq.

Ilanngaait aalajangersimasooq ukiuni 1975-imiit 1989-imut 4.000 koruuninut angissusilerneqartarsimavoq, 1990-imiillu 1998-imut 6.000 koruuninut angissusilerneqartarsimavoq, 1999-imiit 2004-mut 8.000 koruuninut aammalu 2005-imiit (akileraartarnermut aaqqissuusseqqinneq) 2016-imut 10.000 koruuninut angissusilerneqartarsimalluni.

3. Aningaasarsiat B-t akileraaruteqaataasussaannngitsut - § 20, imm. 2.

Akileraaruteqaataasussaannngitsuni taakkunani isumaginiarneqarpoq akileraaruteqaataasussaannngitsut saniaitigut aningaasarsiat B-t kisimik akileraaruteqartinneqarnissaat. Aammattaarli aningaasarsiat B-t akileraaruteqaataasussaannngitsut tunisassiorfinnut tunisisartunut atuupput, naak tunisanit isertitat aningaasarsiat A-jugaluartut.

Aningaasarsiat B-t akileraaruteqaataasussaannngitsut ukiuni 1975-imiit 1992-imut 4.000 koruuninut angissusilerneqartarsimapput 1993-imiillu 2016-imut 5.000 koruuninut angissusilerneqarsimallutik.

4. Akissarsiortunut killilimmik akileraartussaasunut ilanngaait aalajangersimasooq - § 2, imm. 2.

Ilanngaait aalajangersimasooq taanna akileraarusiinikkut ilanngaataavoq, tassalu akissarsiortunut killilimmik akileraartussaasunut "ilanngaativinnut" tamanut taartaalluni ilanngaataalluni.

Ilanngaait aalajangersimasooq taanna ukiuni 1975-imiit 2016-imut 1.000 koruuninut angissusilerneqartarsimavoq.

5. Kommunitut ataatsimut akileraarut - § 63, imm. 2.

Kommunitut ataatsimut akileraarut akileraarutaavoq immikkut ittoq, siunertaraalu inummut ilanngaatic annertuumik qaffannerata (1987-imi 20.000 koruuniniit 35.000 koruuninut, 1992-imi 40.000 koruuninut aammalu 2005-imi 48.000 koruuninut) kingunerisaanik kommunit isertitamikkut annaasaannut matussutaassalluni. Kommunitut ataatsimut akileraarummit isertitat tamakkiisumik akileraarutitigut naligiissaarinermit aqqissuussinermit ilaapput - taamaalillutik inummut ilanngaatic qaffanneqarneratigut kommunit isertitamikkut annaasaat akileraarutitigut naligiissaarinikkut kommunitut utertinneqartarput.

Procenti akileraarusiissut, 1987-imi atuutilersinneqartoq, 1987-imiit 1991-imit 3 %-imut angissusilerneqartarsimavoq, 1992-imiit 2004-imit 4 %-imut aammalu 2005-imiit 2016-imit 6 %-imut angissusilerneqartarsimalluni.